

慎江草堂詩續集

慎江草堂詩續集 二卷

共 2 册 存 2 册 排架号

08830

慎江草堂詩

序



公

館

慎江草堂詩續集總目

第一卷起乙丑迄乙亥（一九二五——一九三五）

古今體詩一百八十首

第二卷起丙子迄丁亥（一九三六——一九四七）

古今體詩一百五十九首

廿七

新集詩續

慎江草堂詩續集卷一

乙丑一九二五

越中雜詩

樂清黃



三年湖上快勾留却恨身猶欠越游今日詩才嗟已盡  
山陰漸負子猷舟

空山來訪禹王碑古屋龍蛇未許窺猶為婆留新廟貌

泉聲如咽泣寒祠 時杭人方修錢王祠

疏鑿山河奠九州東巡又載越中舟荒陵聚訟真堪笑

一角稽山總首丘

欵

郁歎落日越王台謀國當年憶霸才說到沼吳真快事  
誰知鳥盡便銜哀

不獨焦桐入爨多傷心更奈笛材何中郎已死誰真識  
咫尺柯亭掩淚過

文章漫道真無用觴詠流傳地自靈不有永和修楔序  
至今誰復話兰亭

賀監風流不可追湖山寂寞亦多時四明何代無狂客  
未識剡川又付誰

年年杜宇不堪聞涕泣冬青記義民猶是六陵嗚咽水  
千秋麥飯更何人

越国山川本霸州人材歇絕亦堪羞會稽猶可棲餘众  
莫似新亭泣楚囚

猶教垂老渡江来到处留題掃石苔似有看山緣未了  
鑑湖待我載詩回

孟夏舊諮議局在杭同人褚慧僧陳岷懷阮荀伯  
等及余都十八人宴集湖樓賦此紀事

劫餘車笠各天涯不分相逢尚有時此日琴樽真一乐  
吾侪鬢鬢未全衰湖山無恙猿應戀城廓都非鷓亦疑  
努力追歡它莫問安排歲歲共銜卮

題畫四絕為仰天窩主人兄弟作

畫菘

珍重家蔬乞作圖知君此意却人殊問渠肉食高軒者  
可識山中風味無  
劫後蒼生菜色多故應歸卧雁山阿閉門誰識英雄意  
且向秋畦抱甕過

畫荷

十年湖上我重過不見亭亭出水荷忽省畫圖倍惆悵  
晚風何處送香多  
如此西湖惜亦渾人間何處托孤根問誰不為污泥染  
相對應慚清白魂

丙寅一九二六

徐州雜詩

朝辭京口露光晞暮宿彭門星火微一日奔車千里過  
萬山退樹去如飛  
趨來訪古暫勾留禹跡茫茫認一州俯仰此邦誰算縷  
千秋應有大彭樓  
歌傳黃竹穆心荒四海謳思是偃王仁暴興亡寧有例  
不然徐甸亦岐陽  
季子匆匆去又還徐君已葬北邙山區區一劍曾心許  
肯負交期生死間

奸雄魂魄戀邱墳十載桓山高惡氛畢竟後人心更巧  
別開疑塚漢將軍

江山寂寞劇堪哀此地猶傳戲馬台知否群雄紛逐鹿  
有人早已斬蛇來

斜日楚宮曳屣回虞兮千古尚餘哀未央宮殿今安在  
一例人間有劫灰

天府咸陽一炬空項王失計棄關中范增死後應多恨  
豈獨鴻門宴未終

匹婦居然識廢興千秋有母說王陵後來亦有徐元直  
報漢終身痛未能

一推未中受書還惟幄運籌亦等閒不待藏弓思辟穀  
黃祠合傍子房山

向歆父子異薰莸經術文章各罕俦奕代風流誰繼起  
兩龔三列又諸劉

第一官湏第一人文章孝綽世無倫而今半是麒麟楨  
愧否人間入幕賓

高牙大旆亦雄哉幕府何人解愛才不是尚書能下士  
退之肯就散官來

君侯宿草早山丘燕子當年尚有樓莫怪香山老多事  
勉教一死換千秋

欲訪陽春亭已傾江山猶幸賴詩名薛能到處留題詠  
莫笑粗官少勝情

快哉亭在偶登臨滿眼蒼涼感不禁猶說此間差快意  
堤陰碧護一泓深

雲龍終古尚崔嵬日暮亭空鶴不回不有東坡曾作記  
城南踈躑更誰來

三百年來無此樂老坡去後又千年我來把酒呼誰共  
落日黃樓更愴然

長洪百步早無波誰識西來有舊河聞道微山湖又溢  
奔濤千里奈愁何

兵革中原苦未休東南形勢此襟喉祇今百劫人才盡  
獨有椎埋大澤愁

金陵雜詩

落日驅車泗上回又携琴劍過江來傷心豈獨三成暮  
賦到江南更可哀

長江天塹古稱雄淘盡英雄碧浪空一水由來南北限  
有人橫槊指江東

新亭涕泣枉沾巾戮力神州仗此身暇日登臨懷謝傅  
悠然高想更何人

王謝風流不可追烏衣門巷亦堪疑當年堂燕今何在

惟有斜陽是舊時

十里笙歌接畫橈秦淮風月可憐宵秣陵自古銷魂地  
金粉樓台送六朝

北極天高一閣寒地形猶是舊龍蟠如何王氣銷沉盡  
寂寞山川倦眼看

棟宇齊梁百劫空台城何處覓遺宮獨留砌石猶珍惜  
也許摩挲法物同

勾曲華陽別有天掛冠神武已如仙蕭公豈比劉文叔  
未敢客星犯帝邊

將軍夜半渡江來結綺臨春盡劫灰一井亦知亡國恨

年年秋雨泣荒台

玄武十年水漸枯荒坡衰草入平蕪吳兒心怯營池館  
持較錢塘負此湖

蕭蕭蘆荻早生秋淺渚猶疑白鷺洲欲覓鳳凰台又杳  
浮雲寧但謫仙愁

山羊招提尚可尋避炎耽寂快登臨老僧解住南朝寺  
第一清涼是此心

念家山破太淒涼玉樹歌殘恨更長不有風流兩後主  
降幡幾見石頭忙

一墩早占謝公先名字相同亦偶然可笑後來王介甫



不甘專壑讓前賢

開閩南疆士氣揚中樞事事帶平章魏公未潰符離日  
北顧無憂是建康

一局山河十指收百年世事亦浮漚祇今尺地非明土  
不及中山尚有樓

低徊落日故宫門片石深深尚血痕畢竟讀書真種子  
早扶正氣樹乾坤

燕子箋傳絕妙詞教成歌舞閉門時豈知一揭留都亂  
鈞黨重開欲咎誰

四鎮維揚忽潰防弘光君相太郎當縱無馬阮猶亡國

誰却北來胡騎狂

倉山台榭早成灰觴詠明時亦快哉地自清涼心自熱  
賣游低首仗詩媒

料詔而今不再逢至公堂上帳塵封誰知試院煎茶地  
烟水何來賣菜傭

流轉江湖鬢已斑早從瘴海避兵還短衣縛袴非吾事  
揮手未登幕府山

### 鳳凰

嶰竹年來結實稀江村處處稻梁肥鳳凰恥與鷄爭食  
只合空山獨忍飢

題王荆公詩集

自古詩人少達官廟堂事業異儒酸半山終有山林氣  
老廢金陵再起難

丁卯一九二七

次韻奉酬夏瞿禪

猶讀丘墳爾亦奇抗懷豈獨薄騷詩已無魯壁書安在  
又見秦灰道可知俎豆漫傷今不祀乾坤試問此何時  
名山自是吾曹事料理叢殘更待誰

題蔡筠菴竹溪漁唱圖

二分竹抱一分屋三分水又繞村綠漁歌朝暮青溪曲

扁舟歸泊蒼烟宿眼中渭川圖一幅卜居得此願亦足  
胡為不歸猶逐逐

哭伯兄耐庵先生八首

兄病弟亦病弟貧兄更貧可憐貧病淚交集弟兄身乞  
米寧長策分金尚故人詩成驚訃至一慟泣霑巾

五十年兄弟幾回笑口開讀書真左計作宦本非材門  
戶支偏苦功名望早灰艱難謀卒歲歷歷上心來  
奉檄毛生喜當年說為親兄來能佐我母沒復依人洗  
耳難充隱折腰不救貧歸仍無擔石飢走又風塵  
乾坤悲劫運到處是危機滄海橫流急家園歸夢非親

存憂更甚兄去泣相依莫道人間亂飄零仲未歸  
哀哀諸弟妹骨肉一埃塵予季乍埋玉阿兄又飾巾  
儻然惟我在愴絕更誰親殘照西風里淒涼獨立身  
弟亦垂垂老鬚髯白似絲秋風湖上淚春草夢中詩  
不信貧非病應知生有涯如何又遠別聚首幾多時  
投老辭家去倉皇扶病旋遠書猶未達凶信已先傳  
不盡他鄉淚大難來日肩諸孤能負土擗躡墓門前  
平生最愛女為伯作前驅地下魂應聚天涯淚早枯  
暮年三腸斷旅棹一身孤遲暮偏多難傷心似我無  
乞馬一浮書慎江草堂四字除夕張之寓壁口占

一絕

珍重求書意亦痴十年未辦買山資草堂自笑今何在  
獨坐空齋自祭詩

戊辰一九二八

借湘綺樓日記不至戲呈林同莊

披沙往往碎金收越縵堂齊湘綺樓餘事猶教勤日記  
隻詞彌復見風流憑陵意氣誰青眼笑罵公卿到白頭  
說作異書渾不似何因亦似借荊州

題黃鮮庵提學文丁酉湖北鄉試元墨改本絕句  
四首

江夏才名壓日邊一家領袖玉堂仙妙年早播文章譽

遺事爭傳校士篇

文先德淑蘭侍郎督學江南刻有江左校士錄相傳提學與幕僚點竄成之

果然星使出詞曹驛路皇華度漢皋多少珊瑚齊入網

幾人冰鑒似公高

一篇跳出萬人中點竄居然奪化工想見聚奎堂夜坐

金鍼度盡燭花紅

欲火群經罷寫官科場文字早灰寒老迂自笑真風漢

猶作人間故國看

檢舊帙得葉君石農手書詩稿二帙一題為西湖

柳用王漁洋秋柳韻惟第二首缺坊韻未成一題

為九日魯山携酒相過登象山絕頂象山去余居

里許自違鄉井久罷登臨追念故人法然涕下因

付裝池並題三絕

料理巾箱忽泫然故人遺墨尚生妍吟樽回首渾如夢

駒影匆匆四十年

西湖新柳又成絲詞客風流杳莫追輸與漁洋詩獨好

閉門誰憶苦吟時

故山舊雨兩縈思佳節登臨罷有時我似少陵苦懷舊

傷心人日蜀州詩

觀華社影展陳萬里索作

揮手功成一鏡空別開生面奪天工丹青相對愁無色  
是亦傳神阿堵中  
猶有梅花照眼開是誰折取一枝來靈峰寺裏相逢日  
記攝香魂入袖來  
畫師着意點烟螺奈爾匆匆吸取何寫此亂山秋正好  
耐人尋味不須多

桃花紅襯柳枝斜一角新陰綠未遮照出數弓湖上路  
春光隱約萬人家

感事

多時鸚鵡作巢來乍掃妖氛亦快哉豈意撥雲初見日

竟教噓火又燃灰營成兔窟湖山玷啼徹鷓鴣聲血淚哀  
欲叫九閻天似楚銜書青鳥苦相催

馬夷初以外祖鄒善閣先生問桃花館友聲集及  
外祖母竹斐夫人遺詩見示並索題

料理巾箱詩札存劫餘幸未付焚燔桃花竹韻名猶記  
誰識流傳仗外孫

不獨詩工字亦工猶徵文獻此邦中當年箋紙同妍妙  
相見承平大雅風

即事

漫言江左即長安老至輕裘尚怯寒俯仰井梧秋已去

想

商量曠草夜頻闌未能騎射慚無用欲染髭鬚事亦難  
自昔將軍有揖客不妨容我舊衣冠

己巳一九二九

清明前三日登燕子磯望長江

吳楚東南一水寬孤亭突兀俯狂瀾直愁風雨將飛去  
長使江流作怒湍門戶洞開天塹共英雄淘盡浪聲寒  
漫誇形勢龍蟠舊脚底波濤已怯看

從弟懼華相依白下半載不遇將歸出示近作諸  
詩悽惻忱憤情見乎辭予私愧之賦此以別兼廣  
其懷

仲宣老去尚登樓誤汝華年亦遠游殘照西風來白下  
酒痕泥爪認杭州騷人自古多秋氣遊子他鄉易客愁  
莫但慣為悲憤語由來詩教本溫柔

夜抵杭州明日參觀西湖博覽會信宿即回追記  
以詩

又見杭州倦眼開夜涼扶夢一車來五更燈火天忘曉  
十里樓台地費猜欲仗湖山張勝集幾曾竹箭輦良材  
歸裝檢點無長物但帶西泠烟水回

重陽後二日重登燕子磯望長江

江山無恙復登臨極目河流接塞陰到此波濤愁欲絕

祇今砥柱識誰任莫誇形勝猶天險可使神州竟陸沉  
獨立危磯一搔首風烟萬里怯深秋

次韻朱復戡見寄之作二首

烽火彌天地江南怯久居早應焚筆硯未敢戀簪裾喪  
亂無寧歲別離闊寄書杜陵生此日憂憤更何如  
聞罷山城掾歸來悵索居有人分宦索為子戒行裾儉  
歲艱謀食周年滯報書舊文誰鮑叔搔首愧何如

庚午<sub>一九三〇</sub>

至杭州感作

流轉江湖未有涯又携書劍逐颺車暫歸甌海翻成客

一見杭州直似家兒輩艱難謀負米朋儕寥落倦看花  
閒中歲月無慆甚時倚湖樓試井茶

湖上口占

小別西泠又一年長堤碧柳曳輕烟湖山無恙吟樽散  
獨上湖樓意惘然

寄復戡里中

故人書至已多時獨坐偏教作答遲欲賦一詩遙報汝  
比來愁緒似棼絲

臨河忽唱公魚渡招隱猶慚我未歸同是人間飢走客  
百年出處說誰非

干戈滿地淚沾巾何處桃源可避秦不信亂離如此甚  
天涯猶有未歸人

移居湖山里自初春抵杭至此蓋已三遷矣感而  
有作

留滯杭州又一年卜居長總聖湖邊莫嫌携篋書猶借  
直是浮家屋欲牽人說謝公將再起我慚孟母亦三遷  
老來重把巾箱理依舊生涯是硯田

十月朔復移居吳山里有作

又逐秋風作轉蓬何妨飄泊任西東生涯抗抗搬薑鼠  
踪跡匆匆踏雪鴻孔席漫嗟猶未煖阮囊自笑復成空

終慚乞米非長策誰許湖山老寓公

賃居下關江樓與浦口津浦鐵路局一水相望迂  
老矣渡江往來不勝風雪之暴感作

望衡遙對屋崔巍目送烟雲北向飛一水阻人心自怯  
百年投老計終非打頭風雪衝寒出迎面樓台待渡歸  
為語江神休我笑買山此日願猶違

江樓雜作

記別秦淮柳未絲重來已是雪霏時江樓夜坐閒無事  
補寫微之小碎詩

日日衝寒去又回臨流顧影獨徘徊過江名士真如鯽



我亦魚魚逐隊來  
三年浪跡客金陵  
信宿江關却未曾  
照眼隔江燈火近  
夢回錯認是西興  
百尺高樓俯逝波  
眼中來去布帆多  
又驚夜半人聲亂  
知有江船上水過

辛未 九三一

雪後江樓夜坐喜劉貞晦葉曉南諸子見過

白門春雪苦連綿  
寂寞吟樽獨客邊  
強遣黃貂更漢臘  
愁聞白鶴話堯年  
一樓自据為天地  
杯酒何妨中聖賢  
却喜故人多過我  
高懷不減剡溪船

扫叶樓

江南信可哀  
六代跡如扫  
黯然王气收  
江山亦惜耄  
茲樓虽晚出  
累劫名益暴  
一角占清涼  
詞客寄吟嘯  
當年半千翁  
國亡独高蹈  
落叶扫愈多  
万感生遐眺  
祇今四維絕  
奇节招侮笑  
如何孤冷地  
裙屐猶肯到

第二泉次貞晦韻

水味中冷已不堪  
品題谁更定  
江南春晴郊社器  
殊甚地浅山泉浊  
尚含凿土支棚容  
小坐穿房卖石搅  
清谈当壚何必惟  
沽酒唤作樵青倘亦甘

雨花台同貞晦韻

不待招要便入城商量遊屐趁春晴  
經台寂寞苗遺躅花石流传尚旧名  
風勁空亭難久立江昏遠浦失分明  
无端忽惹登臨感淚眼東南未解兵

玄武湖

出廓居然招地寬波光已改隔年觀  
經營台沼謀胡急点缀湖山事亦難  
但使甲兵長洗劫定教裙屐共追欢  
園林也似人初別一笑何妨刮目看

貞晦見過出示无題疊韻四絕戏答之

一夜深宮各笑啼本來沟水自東西  
尹邢爭寵渾閒事莫认无題作有題

江樓題壁

白門秋望涕弥襟豈為登樓客感深  
洪水九州重入劫干戈四海復何心  
欲可秃筆申天向不信橫流到陸沉  
楚澤風波聞更惡直愁无地寄行吟

积水未退行者病涉感而有作

江流未肯改隄痕一漲依然日在門  
架木為梁犹病涉乘輿爭濟久忘喧  
广陵更恐秋濤惡建业何堪积水浑  
得免其魚真大幸江淮到处有啼魂

次韻刘厚莊有感長句

风云北望怯登台无復南塘故恍才  
豈有忘仇天共戴

早教揖盗产长开群兒目撞家居好万叔都从道表来  
到此阨墙亦悔神州谁遣陆沉哀

岁暮感怀

卧病江楼日飘零自嘆嗟直携兒作仆欲以路为家名  
士过江鯽周年赴壑蛇吾生何不幸大地遍哀笳

壬申 五三三

渡江

强扶衰病渡江来避地朝朝出復回夜半驚魂犹未定  
人间浩劫忍重开杜陵身世生何阨庾信江关老更哀  
不是不归归亦怯长途风鹤苦疑猜

感时叠韵奉和厚莊並呈貞晦

风云莫测去来舟江上驚魂淚未收誰教强邻田返魯  
独教嫠妇纬忧周尸居几輩非餘气肉食何人有远谋  
今日论才堪太息纷纷牛李絡同邱

东来烽火接天涯烂額焦头悔已迟壮士横尸关外日  
孤軍浴血沪滨时弭兵莫望冠裳会略地偏工箫鼓词  
到此同心交禦禍泫然为诵阨墙诗

题宗素画背百鍾馗图

终南进士梦中人谁貌当年面目真不学吴生描怪状  
衣冠背坐水边身

到处群魔可奈何手中三尺剑空磨有人斩鬼成新传  
张恨水著有 一样毫端写愤多 新斩鬼传

### 半山寺

莽莽城隈草木深半山遗寺僻难寻争墩犹是矜人气  
捨宅宁非懺过心朋党事终祸天水沧桑劫不救香林  
六朝门巷乌衣旧一例苍凉夕照沈

癸酉 九三三

### 叠和黄朔初五十述怀

潇洒胸怀早出尘卅年初识草堂身重逢三岛回帆日  
青眼高歌有几人

拂衣急避庾公尘慷慨滇南万里身不肯帝秦偕出走  
儒冠同是誓师人

太息民劳可小休干戈相斫不堪忧书生苦口言谁省  
食肉终教属虎头

不嫌市隐习嚣尘十载劳劳海上身冷眼兴亡无限感  
陶朱已作五湖人

一炬人间万卷休遗书独抱昔贤忧故乡楼共名山永  
知有英灵在上头

鼙鼓边城苦莫休神州时有陆沉忧故人挥手归来早  
高卧沧江未白头

六十感述

往还年五十有诗聊自述出处知昨非无闻长愧慄忽  
忽又十年苟全到六秩顾此十年来世变更难诘国身  
两多故未语先呜咽记从左海归避兵出包卒倦飞乍  
知还蜚伏辄思出垂老客西湖长吟容抱膝一朝顾客  
言夜梦齿尽脱卒尔警客对不及扞其舌骨肉北分离  
心忧语非吉果然数载间昊天迭降罚予季既不祿遗  
孤亦夭折有女已于归不幸中道致病中哭伯氏肝肠  
痛欲绝平生手足亲未能一面诀远游果何事悔与家  
园别是时乱益滋兵气掩日月何处有乐土浸淫及吴

越连鸡江表棲狡兔长城窟朔方忽土崩勢成强弩末  
师行如破竹异军起南粤转战万里来六合几混一豈  
知衅复开同室悲喋血靡岁无战争郊原遍暴骨成就  
相斫哀往事我何说内忧方未已外侮復猝发夜半鼙  
鼓起弃甲去何疾鸛鶴早来巢鷓鴣终毀室坐教关之  
東伊川見披髮不揖壮士戈但遣使者節口舌責折衝  
安能返旧物列强倡弭兵相对嗟无术眼着东北民水  
火益深热天险委之去重关鷲迭失旧京累卵危长驱  
势莫遏谁歟秉国鈞铸此六州铁我生似天宝乱离遭  
胡羯杜陵昔忧国迂亦愤所切独慚老无用寂寞甘守

拙旅食寄江南依人犹素笔干戈送白头百年几豪杰  
陆沉将为奴旦夕尚偷活遥念李与昆长卧山中穴沧  
桑了不知魂魄自安逸故人惠诗画为我张生日时危  
敢言寿虚惭樽酒设诗成述百忧嗟余豈老悖

祝復堪

視我何如兄弟亲旧贈 誦君詩句淚沾巾豈知昆李凋  
零后一恸天涯又故人

少時意氣薄云天肝胆乾困酒邊老去豪情消已盡  
干戈飄泊自年年

記曾慷慨賦南游風引仍回海上舟料理篋中詩卷在

旧痕历历尚心头

避兵左海共归来投老兵间更可哀一自东西芳燕散  
相逢笑口几回开

一回相見一回老惜 執手樽前百感生我已早衰君更  
甚支离皮骨倍心驚

遥传书札问平安互有吟筒递羽翰从此诗成何处寄  
那禁老淚不汎瀾

江南久客乍还乡旧雨闻声集草堂早识与君将永诀  
肯教奄奄远行忙

人间公说自分明貝錦何須怨綴成吟到呕心知更苦

終教忱憤累長生

趨庭臣叔亦君師傳硯吾家世有詩為報阿咸貧似昔  
書成苦恨尚无期

負負平生悔莫追再归无復見君时他年斗酒隻鸡約

痛遺書訣別辭

君自知不趣遺書訣別有他日  
归来毋忘橋公之語其言絕痛

題溯初敬乡樓圖卷

闡地東甌始紀秦千杖文物溯推輪自从經制傳南渡  
絕學昌明代有人

玉海樓深暮雨昏參綬閣亦怵詩魂丛殘故籍无人问  
活到沧桑有涕痕

百年世事有乘除文献陵夷自教餘却喜吾宗勤掇拾  
人間犹見永嘉書

甲戌一九三四

旧历元旦感怀

日日登舟怯往还岁朝未许暫偷闲饥犹亟我真无计  
老尚依人自強顏路鬼挪揄常送客江神驚怪不归山  
年来多病知衰甚打叠抽身早晚間

春日偕蓉舫李屏探梅无錫梅園苏州邓尉有怀  
貞晦不至却寄

登高记访錫園梅不是花时我已来十載久辜前度約

一春难得好怀开。入门素影迎霜鬢。惹袖餘香落酒杯。  
惆悵故人千里隔。何年东阁共追陪。

枝头消息报春酣。邓尉山中次第探。几处横斜妨客径。  
数株寂寞伴僧庵。剧怜亭榭观非旧。莫笑桑麻计是貪。

山中居民迫于生计多改种桑麻梅花无復昔盛我欲为移香日海。品題重为

足江南。

呈陈石遗先生

草堂重拜日鬢眉。矍铄依然似昔时。世奉香山为教主。  
天教吴郡诵新诗。管宁避地居初定。伏胜传经老不辞。  
看旧东南今有几。祝公長作士林师。

扁

龜头渚望太湖

烟波咫尺接<sup>扁</sup>舟。胜地登临快此遊。歌背有山峰欲走。  
探头出水塔如浮。四围岚影天边合。一角湖光檻外收。  
营就菟裘偏不住。却容吾輩暫勾留。

时小憩王氏七十二峰山馆

移居挹江门北山桃源新村漫成二首

为避江干車马喧。移家远傍北城根。渐看蔬圃都成屋。  
不信桃源尚有村。坐对小山青堕案。梦回凉月白生軒。  
老迂疏懶耽岑寂。退食归来独闭门。

江湖流轉鬢絲蟠。弹指金陵五载过。三径未能忘故里。  
一棣叔借作行窩。草堂屢卜身原寄。家具无多马易驮。



天亦似怜挥汗苦安排粗足雨滂沱

次韵贞晦见过桃源村新居之作

五载郊关客策痕数旧庐一生似萍转无日不棲居待  
渡帝临水归来但读书多情江上月长伴夜窗虚  
往恨重城隔邮筒累送诗当余初徙后適子又归时灶  
志嗟闲散衰年怅别离寄书勤报答异地慰相思

望雨

一雨艰难甚今宵望又虚雷声犹断续风力忽排除  
热手仍炙微凉气小舒晴陰知未定明日倘何如

登泰山作

江南山水足勾留作健还思秦岱游恰喜故人千里至  
扶筇同上最高头

洪潜园自故里至

置身疑是在云端脚底群山怯俯着未敢强留观日出  
老来只恐不胜寒

玉檢金泥事漫说登封遗迹几踪存寻碑日观峰头立

五嶽由来让独尊

日观峰下有五嶽独尊碑

我来敢说小天下放眼乾坤異昔年试数齐州烟九点  
混茫海气更无边

参天古木碧千重相对亭亭左右峰汉柏唐槐齐俯首  
头衔合让大夫松

坡间遗隸大如斗遥望石径眼欲摩不有道旁人鬻榻  
几教空向此山过

绝顶登临肯便回披寻旧刻独徘徊摩崖多少新题字  
却笑迂髯眼倦开

暮云浙合色苍茫不可久留归去忙齐鲁依然青未了  
回头犹望岱宗坊

題华北抗日阵亡将士纪念特刊

回首胡尘日月昏郊原处处劫餘痕輸人利器終難守  
杀故雄心肯並存风雨一邱共埋骨衣冠几輩得归元  
英灵千载知长在付与丹青作国魂

雄关设险竟何如十万貔貅夜枕戈甘擲頑軀当霹靂  
长留浩气壮山河东来故骑烽烟逼北望边城涕淚多  
此日艰难嗟更甚招魂争唱大风歌

乙亥一九三五

送内子归里兼为六十寿

卅年饥走客天涯累汝时嗟无米炊惭愧藁砧轻离别  
艰难门户苦支持向长乍为着山出德耀初教賃廩隨  
一事远来应自慰平安又喜見孙枝

乍来白下柳初絲又見榴花照眼时推布依然安旧服  
湖山终为惜游資齐眉同甲庸非庆屈指生辰浙及期

小住匆匆送归去寿君无酒可无诗

画师高奇峰挽诗

亮节如君独冠时风流豈但虎头癡  
嘯歌岁月接千尺  
驱使云烟笔一枝  
瘦骨肯汗霜白色  
雄心自写海青姿  
天风未遣乘槎去  
异域何由识圣师

君将赴柏林中国美术展览会以疾

海上

江溢河决赋此纪哀

警魂未定楚江边又报黄河泻溜泉  
指畫九州非禹迹  
翻歎万劫復尧年堤防苦与水争地  
淤塞任教湖作田  
人事不修疏凿废可将灾害怨苍天

款

次韻朔初冀北之作

數天奇憤恨難伸又報幽都陷劫尘  
燕市行歌空有淚  
新亭收涕是何人若說兵力真无幸  
未識故情幼見噴  
謀自不臧誰与助責言早已噤西邻

揚州雜詩

一車電掣赴揚州有約翻迟京口游  
不待腰纏騎鶴去  
十年此地两勾留

祖龙往矣又阿摩楊柳隋堤作态多  
說定千秋兩功罪

長城筑后是开河

果然明月一分无

清陈沆扬州诗只

今明月一分无賦到蕪城倘不诬

二十四桥何处是，忍谁指点总模糊。

亦有西湖奈瘦何，绿阴夹岸汎舟过。小金山比雷峰好，

一塔巍然夕照多。

平山堂上独徘徊，记得登临第二回。到眼群山仍拱立，

青青日渡大江来。

青山依旧向吾曹，座上何人是酒豪。前度刘郎今未至，

却先兀日此登高。

蕃釐观裏昔停車，台榭荒凉劫叹嗟。忽报白门春色好，

人间犹说有琼花。

空教杯土葬衣冠，岭上梅花碧血寒。半壁山河臣力尽，

遗书留与后人看。

冷春争唱阮亭诗，绝代风流想见之。我过红桥倍惆悵，

翰公生是太平时。

多少楼台一炬中，劫餘万木泣秋风。年来但有徐园在，

漫比钱塘说表忠。

最宜消夏绿杨村，一水迢迢直到门。酒肆茶寮人渐散，

满庭落叶半秋痕。

垂杨萧瑟黯魂消，城廓依稀认六朝。日暮扁舟归去急，

老来倦看曲江潮。

贞晦招作杭游不克赴

夜来风雨大作，炊舍湫隘晨起炊火不爨，感而有

作

草堂歌啸願仍違  
轉徙江城悵未歸  
撩亂乡心縈客夢  
猖狂雨勢挟風威  
早移曲突計寧誤  
老恋危巢時已非  
去住思量无一可  
避兵何处杜柴扉

次韻杜霑稿北事感作

坐看胡騎日纵横  
飛將空思右北平  
辽海痛心成属国  
燕云唾手不須兵  
涛張为幻祖公戏  
反侧難安狼子情  
終是睦邻无善策  
又教風鶴万方驚

慎江草堂詩續集卷二

丙子一九三六

感事

未信新都勝旧京  
大東杼柚竭經營  
沈沈艦影波間現  
轧轧机声天半鳴  
今日籌防守在水  
古來禦敌但堅城  
登陴倘忆齐邱語  
已了江南十万兵

已当十万兵  
战士十万

南唐宋齐邱嘗言  
江南有三十万精兵

上巳后五日探梅孝陵卫次湖初邓尉看梅韻

三月江南始見梅  
枝头犹恨未全开  
直疑花信春风誤  
待喚诗魂香海来  
到眼园林都黯澹  
驚心陵谷独徘徊

空山孤冷知谁契，恋恋郊原肯即回。

次韻貞晦超山觀梅之作

岁岁寻诗风日间，与梅同冷鹤同闲。如何老負超山約，吳越比邻怯往还。

扶筇郭外看梅花，禁地森严旧帝家。五百年来陵谷改，园林楼阁日增华。

姑苏小住话前尘，为访山中第一春。惆悵百年香日海，荷鋤无復种花人。

十年笠屐客餘杭，老去吟怀未敢狂。輸与孤山林处士，莫教三宿恋空桑。

到处横斜水际湾，江南春色艳於霞。老迂自笑无诗胆，低首人间負此花。

登采石矶作

访胜当塗願屢违，倦游径欲海東归。登車猶指江南路，烟雨来寻采石矶。

燃犀又見一亭新，牛渚当年话太真。今日幽明同怪状，为渠照出问何人。

新亭犹是旧观澜，到此波涛怯俯看。东去大江倍呜咽，英雄淘尽浪声寒。

雨餘烟黛湿千鬟，一曲江流碧似环。更上峨眉亭上望，

青青何处谢公山

寻幽漫入三元洞。闭置深深仙佛愁。此地最宜明月夜。  
中流客与一扁舟。

诵仙仙去已多时。子载接名尚繫之。说与先生应我笑。

未能饮酒强题诗。

太白接旧有联云我辈此中  
惟饮酒先生在上莫题诗

慷慨登壇独誓师。书生却故立功奇。而今不见虞彬父。  
大好江山付与谁。

春日偕李屏孝陵卫看櫻花感作用贞晦超山观

梅韻

正欲寻春东郭向。恰逢休沐故人间。看花根触愁予叠。

日落郊原惘惘还。

玉貌嫣然识此花。漫将颜色傲邻家。相逢桃李真肥婢。  
不见仙人萼绿华。

清陰处处覆香尘。独占东瀛第一春。闻道花开倾国出。  
泉泉扶着醉归人。

移根万里渡轻航。恐仗天骄作态狂。多少奇葩来绝域。  
攒眉底事说扶桑。

国色恣渠海外誇。枝头爛熳艳如霞。只愁一夜风兼雨。  
狼藉园林满地花。

将去金陵有作

十年萧瑟客江关，时事愁人毛鷲斑。  
劫地而来三岛浪，挂帆且别六朝山。  
李鹰敢说知几早，元亮宁忘乞食艰。  
猿鸟相逢应笑我，倦飞今日始知还。

十月偕洪潜园高蕙因倪悟真诸人同游雁荡归  
后杂记以诗

老来愁看六朝山，归对溪山却解颜。  
百二奇峰应笑我，倦游今日始知还。

昨夜山中雨有声，恰从枕上听分明。  
天公知我东来意，又放人间五日晴。

上游多激下流浑，绝爱中间境自宽。  
未敢一层山更上，

祇愁高处置身难。

有叟听诗疑白云，下看世变日纷纷。  
祇今诗亦多更调，盈耳新声恐未闻。

如何并立此山中，一柱高擎气自雄。  
棟折榱崩知将压，忧天我与杞人同。

灵岩古寺共徘徊，路转屏霞曳杖回。  
长怪将军空抱印，不闻破敌出关来。

一舆观瀑石梁还，西望群山亦等闲。  
收拾瓌奇归内谷，卜居应在二灵间。

记别龙漱三十年，重来又见水如烟。  
平生恨未窥真面，



万斛飞泉注一川

长洲江张叔有联雁荡自奇不附五岳龙泓所注别为一川

双峰矗立倚天开，显圣门中冒险来。自笑此行犹不悔，

饱看红树满山回。

龙壑轩中我乍过，山高风定静无波。竭来散水岩前坐，

地小偏看作恣多。

云中招手有山灵，五老三贤共一庭。莫问今朝是何世，

巍然犹是数峰青。

五老三贤山中峯名

衰年腰脚力难胜，绝险跻攀怯未能。雁顶有湖龙背瀑，

往来输与白头僧。

记曾五度此探奇，鳞爪东西但一窥。老愧江淹才已尽，

未能到处为题诗。

### 雁荡道中呈潜园蕙园二叟

草堂一别屢经春，握手驚看白髮新。四海干戈垂老日，

十年京洛倦游身。兩三旧雨有同好，百二奇峰如故人。

作健看山能几度，排除万事莫逡巡。

潜叟旧有準拟一年來一度句今始

再至已二十三年矣

丁丑 五三七

春日渡江偕厚莊蕙園二叟，陳銘石吳天五林志。

甄諸君泛舟孤屿，追怀辛亥寒食陪符丈笑拈諸。

人携酒过此，忽忽二十餘年矣。符丈墓有宿草，曰。

时吟侣今重至者惟身莊蕙因耳怵怀今昔辄为此诗

沧桑劫后我重来晴日扁舟共溯洄两塔崢嶸云外立  
双祠寂寞水边开地形浙逐江流转人事俄惊岁月催  
旧雨无多今雨集杜陵宿草不胜哀

丁丑三月余与高薑斋重集秣陵一日春雨初霁  
薑斋邀同宗素为善卷庚桑两洞之游归后怵叹  
弥日爰作宜兴两洞歌以誌游赏

宜兴两洞客争誇年年欲往苦蹉跎故人招我同车出  
喜极不觉双眼摩亭午欢呼善卷至燃炬而入光几何

不放光明电四照犹丐一箴言豈奇举头累累见钟乳  
人间万象纷骈罗狮邪象邪形维肖其餘指画都非讹  
谁挟须弥纳一洞伟哉有像皆弥陀天公有意逞狡狴  
洞洞争胜殊臼窠猛听壑雷起山腹昨夜大雨潦洪波  
欲穷奇境扞壁下洶湧一水翻盤渦悬岩舟过急俯伏  
不然直与头相磨豁然开朗穿洞出当门一瀑警悬河  
故山有洞皆无水大叫奇绝咸笑歌兴尽迴舟叹观止  
驱车復指庚桑过风门一入凉砭骨森森四壁疑陰魔  
大罗天亦垂象夥大小鰲背山能驮洞底洞与洞中洞  
逶迤浩曲如旋螺拾级而登别一界琼宫玉宇何嵯峨

鈞天倘奏霓裳曲，群仙醉舞交傒傒。平分两洞占仙佛，善卷第一宁偏阿。一事庚桑差强意，唐宋石刻堪摩挲。买田几人说阳羨，题诗到处忆东坡。如何探奇幽未到，不传一字供吟哦。名山千载无奇作，嗟余才薄惭尤多。归来纪游竄有作，唐突恐惹山灵呵。

夏日偕薑斋游滁州琅琊山

近畿百里无好山，棲霞米石穷跻攀。商量游屐琅琊去，过江云树重重环。车前山色遙飞墜，时从林樾窥一斑。轻阴夹道苍翠合，直疑欲滴衣袖间。一车逶迤俄已至，流水不闻声潺潺。醉翁已往泉亦竭，沧桑百劫警石顽。

附庸风雅意何在，引水凿池湾复湾。纷纷台榭遍榜题，譬似文章繁可删。开化老僧尤好事，经营旧迹诛榛菅。更闻祇园筑别馆，遍栽花木充禪关。南天门高策杖上，振衣不觉忘辛艰。眼底川原嗟苍莽，回眸一笑千烟鬟。平乐亭中来试茗，紫薇泉出殊等閒。我笑山灵何僥倖，得翁两记缘非慳。此邦太守亦多矣，几人能文追马班。自来流传仗文字，长留宝室誇人寰。东坡书醉翁亭碑记后人筑宝室护之 榜日亦不然，笠屐谁肯到我宁。有意腾嘲汕，须知名山如名士。盗竄虚声总厚颜，索然兴尽急归去。暮霭苍茫斜照殷，长忆故乡雁荡好。百看不厭何日还。

題貞晦画梅诗卷

兴到江楼掷酒杯百嫌挥洒遣松煤老来傲骨犹如昔  
不画群芳独画梅

华光泼墨渾成枝清绝更誇揚補之知尔偶然聊写意  
却教一画一題诗

画谱吴兴生面开诗家摩诘更多才胸中无限握杆思  
都入生花笔底来

送刘子植赴南洋讲学

不信群经又教友喜君种子早栽培此行豈独乘风快  
为拂文明故国来

一弹指顷杀人多机巧终傷大造和我道將南天有意  
孔书竟过跋提河

近代軍备杂咏（有序）

丁丑之夏日寇拥兵寻衅恃彼天骄侮我积弱  
辽冀沈陷平津阽危重门早已洞开卧榻纵其  
鼾睡犹復狼貪无餍蚕食不已悉索国中之赋  
脅为城下之盟我国人无可復忍愤而抗战惟  
是近代战争专恃軍备制械日新杀人弥烈彼  
校利器而来我忍血肉相搏旅进旅退再接再  
厲虽南北勝負时殊民族存亡未卜而同仇故

抗举国一心既泯阍墙之争共励枕戈之志生  
者剑及履及死者可歌可泣天方敌以殷忧国  
庶兴于多难不佞索居僻壤囿于咫闻生逢天  
宝乱离之日浮海还家敢附杜陵忠爱之名赋  
诗成史爰取军备中可资吟咏者撰为长句八  
首系机满地豈徒陈咏物之词教火弥天亦聊  
抒忧时之意云尔

十年薪胆半虚过  
辛未末东者老待旦知谁独枕戈兵  
需固愁难抗敌人心且喜渐谐和弹能中的声先夺扼  
似连珠响更多争及横刀身浴血誓将赤手挽山河

弹机关  
枪大刀

异军天外突飞来翘首云霄心胆摧霹雳当头争入地  
楼台弹指便成灰万众生命轻于蟻一击声威怒似雷  
谁料翻腾吾亦健纷纷毁灭不教回

作飞弹

坚奥挾砲任长驱驰骤平原每自如奋击终教夷壁垒  
横行无奈阻河渠总壕死守难飞越挥刃在呼直捣虚  
肉搏居然能毁故漫讥螳臂莫当车

坦克

克虜当年擅大名更看巨砲铸新型攻坚不藉推移力  
投隙惟恐运用灵障地深藏终莫测郊原历劫忍重经  
睡狮今日如何状撼地声声梦倚醒

投至

飞来铁鸟集长空防禦争誇高射功  
镜影低头窥乙乙  
砲声贯耳起隆隆冲霄直恐惊牛斗  
鍛羽还疑落渚鸣  
十发但教能一中不输墮日羿  
洞弓高射砲  
海上师燿五十年经营早竭水衡钱  
绸缪牖户恐谁问  
来去舳舻任故老千里乞援軍  
屢济三山在望水相连  
痛心第一筹防禦铁甲曾元万斛船  
舰兵  
太息乾坤劫运开殺人利器不胜哀  
惟怜遍地苍生淚  
又播弥天綠气災中夏知难威力屈  
西邻不恤責言来  
势穷出此真无策三島文明安在哉  
毒气弹  
万方消息布金陵处处闻声得未曾  
不出户知天下事

乍来书有远方朋一隅胜败初无定  
百战存亡终可总  
軍报朝朝传海曲摩挲淚眼望中兴  
无我电播音

迁都重庆感賦

四郡多坐砲如雷太息繁華尽劫灰  
十載國都基乍定  
百年江海禁長开存亡几輩一城共  
播越何时万里回  
西蜀漫云天下險却愁吾往寇能来

追悼散原石遺二嫂

海内說詩說二陈搔壇盟主更何人  
祇今都証生天乐  
不覩沧桑万劫新  
当年句說同光体今日风流漸式微  
却恨海藏犹不死

覲顏臣仆世同汎

都城不守有作

烽烟直逼石头城又报南都陷寇兵虎踞龙蟠千載异  
穰前栋折万方惊劣师悉索国中赋迁地淮为城下盟  
百战何时能却敌杜陵涕泣望收京

戊寅一九三六

高叟蕙園以文集委为说定赋此却寄

昔人说文章下笔贵不苟浓淡与疎密错综相为偶其  
中须有我不落人窠臼佳者两三篇亦足传於后何事  
以多为敢告蕙園叟老勤著述矻矻忘白首闭门百

不营伏案长达酉及身写为集自享千金帚殷勤辱相

招说定乞下走惭非丁敬礼于我言奚取记我昔学诗

追陪大师右海内两太邱倘我意孔厚

谓石遗散诸家

得失殊一一细评剖尚说及王

漁米地近代尊山斗爰

好遭汕汎贪多惹弹劾诗文本一剑垂滅共遵守劝叟

勇割爰如螫断其手珍重藏山业所存皆瓊玖以此向

之世立言自不朽我意宁有他竊欲附诤友

鹿城即事

破碎山河占九区海东方幸有完都假途转物商争集  
避地携泉客共趋未必岁星長在越果然妖火又嘘胡

偷安瀆识终非计 霹雳声声梦醒无

闻临沂台兜庄大捷喜作

破碎金瓯事已非 喜闻血战捷临沂  
台兜庄畔难归骨 可使天骄识汉威

河决纪事

中原血战阵云屯 淮决黄河波浪翻  
直以苍生供鱼肉 妄思狂寇阻狼吞  
人言塞马庸非福 我痛泽鸿终是冤  
不死兵戈死洪水 神州浩劫竟何论

西望

扶桑日出海扬波 怒仗天骄奈尔何  
百战艰难新壁垒

九州破碎旧山河 江中铁索今何在  
霄外雷車日数过 军报武昌嗟浙少  
朝朝西望眼频摩

哀長沙

長沙一炬最堪哀 风鶴仓皇误寇来  
焦土忍教松纵火 坚城痛绝陟成灰  
独留青史不磨玷 自是苍生无妄灾  
半壁河山犹一掷 哀哀食肉佟庸才

一电

突传一电万方惊 填海深渊负此名  
自是热中希执政 不辞媚外欲休兵  
健儿誓喋行间血 魁党私締城下盟  
缺殫当年偏不死 却教晚节丧平生



次和海髯寄怀原韻

秋風江上乍迴艖，烽火經年黯日星。  
別後自傷衰鬢白，歸來猶喜故山青。  
相思異身疑千里，得句何人奪四靈。  
笑我粗豪甘避舍，銅琶鐵板未須听。

己卯元三九

海产春秋二詠

怨灯

春盤魚小喜初登，照水銀星寸寸澄。  
自怨生時何太晚，人間不見上元灯。

望潮

喜望秋潮出海隈，聞雷急自水中迴。  
笑渠但識尋常汛，不向錢塘八月來。

寇氛日迫避地沙川耳目所接杂记以诗

海水群飛白日昏，驚傳風鶴遍江村。  
老夫却被兜孫累，未敢家居獨閉門。  
炮聲如雨砲如雷，半落山隈半水隈。  
可奈驚人魂乍定，一机飛去又飛回。

倉皇欲避卜何方，比較差安是祖鄉。  
不必入山深且早，从容進退也無妨。

先人故宅久荒桑，旧日紅岩尚有莊。  
屈指移居今百載，

携家也莫乍还乡

屋傍青山门对河门前不断小舟过村翁叹息愁相语  
今日搬家人更多

喜传寇退急还家料理归装忽叹嗟闻说援师北来后  
行人不敢过黄华

归未涉旬故舰又至轰击江村随潮来去伤人毁  
屋日有所闻复成绝句五首

东来狂寇久横行锁海经年计屡更天幸瓯江江水浅  
长驱未易撲江城

来随潮长去潮消海上道遥故自新来去分明时有定

教人那不恨江潮

砲声劫地怒於雷日向江头试一回夜半何人负山走  
填平东海不教来

多少乡村傍海边分袂恰值鼓鼙天猛惊砲发人争避  
狼藉餘苗尚和田

棟折榱崩众胆摧何堪如豈亦罹災江乡小教寻常事  
持較中原未祿哀

### 感事

竭来多难万邦同百战神州劫未终不信尉佗犹自帝  
争传魏绛独和戎翻云覆雨心难测换日偷天术已穷

收拾山河还我旧，这交终待策群雄。

游仙辞

淮南鸡犬杳难寻，劫火人间苦见侵。笑指山河开群蚁，  
在衙木石托冤禽。西池终觉云缥缈，东海谁窥水浅深。  
妖雾蚩尤嗔未已，鼎湖遗迹恨消沉。

新乞巧词

乌鹊填桥苦未成，银河顾影自伶仃。举头天上迷牛女，  
避面人间似尹邢。故事几教忘七夕，佳期总觉误双星。  
痴心犹乞仙泉巧，沈醉钧天梦莫醒。

無題

不道东施苦效顰，目成自许有西邻。百年鸳牒胡迟我，  
一夕鸾车忽道人。肯释怨仇締戚好，直恐利害说交亲。  
笑渠多少登门客，说合空劳敝舌唇。

河东狮吼逞狂威，独占香闺莫我违。绣榻难容人鼾睡，  
蓝桥路易阻于归。乍惊青鸟传消息，却恨元龟误事机。  
覆雨翻云真不料，笑啼此日竟都非。

寄邵力子重庆

万里渝巴阙寄书，三年瓠海鲜安居。纵横寇盗两都外，  
收拾河山半壁餘。叛国狡谋终自毁，平戎胜算果何如。  
老愚避地贫无计，日盼兵尘早扫除。

庚辰一九四〇。

新宮詞

夜半乘輿出伤心蜀道難故宮環珮散揮淚別長安  
不信環肥態胡兒笑眼開漁陽鼙鼓急真為美人來  
南都話金粉北地說燕支欲向離宮事專房究是誰  
待譜霓裳曲爭傳召太真娥眉誰不妒愁絕六宮人  
填海平生志胡為甘事仇一朝顏色敗肯許老溫柔  
莫道江南好鳩來占鵲居長門思買賦何處覓相如  
由來燕趙女生不解溫存枕夕凋停慣朝朝有淚痕  
殿腳女何麗長堤綿纜過江陵舟已到几輩沾恩多

猶記長生殿無人語自私鴻都窺秘事遂被世間知  
胡運知垂尽心弛漢苑旌建章无恙否涕泣望收京

與鄒叟共話感作

三年歸卧故鄉廬有叟鄰居時過吾莫怪相逢頻  
比來米价竟如珠

江村生事說漁鹽課稅何堪法令平官自專營商壟斷  
坐食淡食病窮擔

孤兒有母苦无兄菽水全憑拙力營昨夜捉將官里去  
一畝号泣劫江城

江湖到处有哀鴻十室年來已九空  
猶說戰時籌餉急

草茅咽淚盼平戎

貞晦寄示前后和平笔歌感題二絕

和平笔者前欧战媾和簽約之笔貞晦曾为歌  
紀之今欧亚大战并作国际变化益劇貞晦重  
復有作

綢繆軍备万邦同便识和平道已穷一紙盟书成底物  
可能俯首縛群雄

義战春秋叹已无弭兵今日更何如问渠此笔将何用  
只写人間相斫书

辛巳五四一

買穀歎

我邑鮮積穀少糴乃有餘去秋久不雨河竭苗半枯虽  
幸未成灾早惊万廩虛表心惟牟利况有盜跖徒漏卮  
与壘斷其罪皆可誅或曰是有故言之可歎吁嗟兴修  
四載搜括穷錙銖百物日騰貴鈔巾等土苴穀贱固伤  
农无怪米如珠不知芸芸众同尽有何辜茅屋炊烟斷  
乞食时哀呼淮甘舍兜女忍痛換青蚨持此去买穀奔  
走遍乡闾东邻家小康军帖供粮糈一言意稍忤鞭扑  
及肌膚西邻家中落计田征仓儲催租吏到门举室尽  
亡通群徇將安往佇立道之隅一泉待举火归来泣空

厨亦有不得穀憤而沉于湖昨宵诸父老相将过吾庐  
为我述此状乞我告当途军餉如火急绸缪计胡疏常  
平本备荒可能缓须臾但迟早未登家庠自乐输吾闻  
心惻然欲语辄欬歔吾家粮亦绝送米谁胡奴仕宦三  
十载归仍半亩无有钱叹无穀枵腹何曾殊饿死老猫  
可何以慰江夫敢告贤使君毋为竭泽渔留此涓滴水  
待苏涸撒鱼

余既为買穀叹見者以为未足復续为此诗

人生百可忍惟饿苦难当吾为買穀叹乞糴嗟无方客  
有来告吾子言犹未详昨日官搜穀兵吏重下乡偵察

穷厨漏傾倒通筐箱人煮儲自食顆粒为封藏妇女不  
敢哭畏之如虎狼传闻有饿夫奔走持空囊口中銜鈔  
布自縊于道旁言者果不妄惨痛自非常未知官闻否  
可曾动感伤一客更落我其辞独激昂官吏虽云贵豈  
比农夫强无农穀焉出每饭盍思量奈何侏儒饱日给  
合家梁坐視小民饥无处乞糶糠有穀价倍蓰公道孰  
主張吾闻復何说相对淚沾裳策杖入武城非公敢登  
堂为言民乏食计日犹方長青黄还不接苦雨麦又妨  
了男貨禦故安可任流亡请为告大府急筹策救荒豈  
意上下隔有似参与商台符星火急云吾有餘粮欲移

河内粟为救河东凶准信吾亦饥日日望发粟呼吁不  
获命奉牒正徬徨官意既难言救死将谁望况今国多  
难强寇势猖狂师旅与饥谨何堪叠降殃哀我民奚罪  
涕泣向穹苍

寇退郡中油铁劫掠一空

不战居然復旧疆翻教喜极淚沾裳長驅直似无人境  
堯浙真成齎盜粮自是地偏非用武固知痛楚更筹防  
年年亟变钱准向付与江流咽夕阳

自战事起亟变钱  
费闻支二百余万

过江借刘贞晦梅冷生孙孟晋诸人赴平阳访厚  
莊归后赋寄

招要笠履屢停舟每恨干戈梗胜游别后因林長入梦  
老来霜雪各盈头百年未了星重聚八表同昏雨肯休  
连日多雨时  
德俄又宜战相对樽前黯无语陆沉准遣到神州

挽张怀南

山河破碎事都非万里巴渝魚雁稀延揽客卿資顧問  
沉观世变识先机周旋为习鲜卑语執掌空畧菜子衣  
头白高堂犹远望吞声强说未能归

壬午一九四二

世事

世事真矛盾看来眼欲糊国貧钱似土岁熟米如珠酒

肆客常滿歌台入共趨同仇時血成為向効心元

挽劉亭莊

永加學朮自千秋便說文章亦罕儔作序凡人能抗手  
說交四海獨低头衰眸欲借金鏡刻宿志嘗陪玉海游  
晚出群書難遍讀早知道在莫它求

記傳射策幼楓宸下第劉蕢長隱沈一代科名終覆水  
百年學校始推教曾為万里談函客自有三千著錄人

桃李滿園我竊愧平分敢說兩家春

君長温州中學時  
余亦承之師範學

校

太息乾坤万事非劫餘勞燕各分飛閉門著述君終老

归

滿地干戈我始婦病裡有苦心自慰兵間訪旧約頻違  
隔年裙屐犹能記風雨扁舟共款扉

江城春雨日淒其痛極西河晚喪兜徑欲擎舟尋旧夢  
却愁掃榻効新悲茫茫天道真難向抗抗兵氛靡了期  
我亦比來衰更甚秋風夕照不多時

县府新厦落成感作

巍然广厦出衙中俯視山城气象雄刺眼疮痍疇在念  
役心土木旬程功民穷早痛膏脂竭寇退争誇粉饰工  
风雨飘摇宁已定九州战火尚熊熊

舟过城镇税吏藉词检查需索酷厲偶忆瓶水斋



诗有关吏尚嫌愁未税之句戏占

老来无计遣愁魔  
载得愁俱绕郭过  
关吏若云愁有税  
依舟更比别舟多

次韵褚慧僧七十初度写怀

涕泣新亭歎式微  
山河破碎望中非  
九秋浙赣风云恶  
万里渝巴魏梦飞  
报国有人愿舌在  
避兵何地许身依  
老来待看神州复  
我亦明年恰古稀

癸未一九四三

赠吴天五

似子文章独早成  
但看小札亦研精  
五峰以后几传作

二谷之间准抗衡  
自有器根微慧业  
时从鼙鼓听书声  
嗟余闻道渐迟暮  
不觉低头畏后生

迓今年七十戚友復謀刊诗为寿賦此辞谢並以

写怀

老来料理旧吟篇  
枳棘前尘二十年

迓年五十戚友知  
曾为刊诗四卷知

止固应甘守拙  
不贪未必是为贤  
时艰敢作千秋计  
宦罢仍无半亩田  
却愧故人多厚意  
殷勤为我策流传  
弹指归来六载过  
惊看东海日扬波  
九州破碎无完土  
万里纵横遍枕戈  
忍使诗篇吐肝胆  
摩挲抄淚眼望山河  
放翁家祭终虚事  
忍死須臾待凱歌

志悼

五十年夫妇朝朝贫裡过  
长饥营祿米  
远别恨山河  
食不羞藜藿  
衣膏谢綺罗  
艰难门户计  
累尔苦心多  
一病奄然尽  
相看肺腑摧  
微泉难润木  
残焰总成灰  
委化宁非幸  
生存亦自哀  
夜阑思往事  
歷歷上心来

有怀張云雷並为六十寿

少日雄心不可羈  
冲天鴻鵠快高飞  
躋身议席党争急  
揮手国门时事非  
一出遊教耽退隱  
百年从此识皈依  
林居更憫群生阨  
为筑精庐共禱祈

以我一日长于尔  
记擁臯比试院时  
群俊追陪争北面  
旧游言笑忆南皮  
敢云不必贤于弟  
自愧何能好作师  
老大无闻虚食粟  
此生已了悔都迟

知君未信叟真迂  
持诵弥陀苦劝余  
自是钝根难索解  
豈因多累待排除  
老来欲是藏山槁  
贫甚嘗修乞米书  
几輩殷勤笃风義  
时传城札到吾庐

江城寇退教友寒  
痛是初教魂梦安  
世界殺机开肉食  
故人道味守蔬茹  
欲迴天地消奇劫  
可许山河復旧观  
弟恰杖乡师杖国  
摩挲老眼喜同看

甲申 五十四

贈柯怡斋

山中訪旧我頻來。話到神州万事哀。世乱难偕兵子语。  
行孚自粹里兜猜。階前帶草生机滿。座上春風絳帳开。  
屈指卅年朋輩少。不堪广厦首重回。

避地

避地山中暑未徂。秋風俄起落庭梧。扁舟乞食携家出。  
檢点寒衣大小元。

道路流传各异辞。寇踪飘忽最难窥。朝朝盼断盐船至。  
消息无由报我知。

鼙鼓声声劫地来。江城三见劫中灰。诸公自有平戎策。

草野群氓莫<sup>根</sup>猜。

浪

山河破碎苦支持。收復遥遥未有期。瘦盼于戈早戡定。  
草堂容我得归時。

哭咏兜希幹

误汝当年少读书。未成一艺困饥驱。强持门户兜良苦。  
耻向田园我本迂。淡笑犹能消鼠雀。交游不恤及屠沽。  
盖棺已了人间事。恻绝西河老淚枯。

題大若岩陶公洞

淮遣巨灵劈此山。别有奇境占人间。云迷谢客屐难到。  
仙去陶公鹤不还。门外风云多变幻。洞中日月自清闲。  
青蓮已往无高咏。扶杖登临亦强顏。

樓居水云村奉酬陳為玉伉儷

殷勤招我遠來舟梁孟多情愧莫酬欲為名山張一帙  
漸无佳句占千秋安排館舍容棲止斟酌晴阴便出游  
不是避兵居此地也亟笠屐独勾留

九日宿雨初霽登高大若岩有作

肯教九日放晴还天意登高未我慳佛火亦遭兵火劫  
溪云自比海云閒峯岚拥树重重散涧水隨堤曲曲环  
到此避兵真福地寇氛计不及山间

山居杂咏

群山环抱水云居四面烟岚画不如避地我来无一事

扶筇日詣故人庐

咫尺村前赤水亭閒来小坐听溪声憑栏西望翠千叠  
多少峯峦疑削成

宿雨终宵苦未停梦回晓日上窗櫺天公似会看山意  
洗出奇峯分外青

仓卒携家寄海湄移居恰喜水云宜山中日月渾忘却  
秋去冬来了不知

村人款客具鸡豚海物途遥不到门煮豆烹豚成玉版  
太羹至味此中存

相将負篋侵晨出相率荷担向晚还今岁百粮俱大熟

村农一月未曾闻

才了秋收又种冬时亩叱犊陇园中如何溪畔屠牛者  
不念耕田作苦功

借得门前小小畦栽成菜甲佐厨斋况曹为办盘与计  
此味长宜淡泊怀

中秋冬至匆匆过涕泣流亡祭祭虚未识草堂归去日  
岁除犹及祀先无

冬至日寓斋祀先感作

年年冬至节祭祭及时陈寇乱今滋甚吾生晚更迍艰  
难营薄奠涕泣告先人未敢轻归去羞汗清白身

瞿禕书来云雷拟招予往居芙蓉赋寄

寇退知何日侨居久益艰有人不忘旧顾我亦思还行  
矣枫林外归哉雁荡间故园虽未到浙喜近家山

有怀从弟懼华

吾亦欲东耳汝今何所之移居同海澳执别又江湄羈  
旅无消息池塘惹梦思故园归未得飘泊各天涯

曰后送友人归里

冻云四合万峰低一夕山溪曰满堤腊尽有人遄归去  
岁寒何事独羈縻谁消浩劫迴天地又送春风入鼓鼙  
未识草堂无恙否可能容我反襄西

乙酉一九四五

自去岁腊杪大日入正四日始止盖八昼夜矣余  
以避寇侨居水云村村中老人相顾歎为未見羈  
客闻之弥用怆怀呵冻有作

一夜白填群壑平岁寒弥见雪崢嶸直教万径人都杳  
苦奈孤衾~~未~~梦不成闭户自惭高士卧执戈谁念壮夫耕  
时在甚急天公有意还无意乞为神州洗甲兵

住苦无憀旧莫能连朝大日復飞騰流人避地寒偏酷  
羈旅逢年老自憎准赋鸿坵似坡好是闻鹤语话光崩  
白头不少山中叟争说吾生见未曾

还家作

山中避地日如年寇退迨归江上船破涕草堂万卷在  
惊心遗壘四郊沿亲朋问讯争相过人事纷纭肯与摩  
容待老夫寻旧梦北窗高卧故依然

九日潜园招同蕙园登山屿外山

劫后我重来登临亦快哉万方齐解甲九日復銜杯江  
上蛟龙伏山中猿鹤回只怜秋寂寞不见菊花开

哀日本

巧憑利器奏奇功原子弹成神鬼恫芳島何堪供一击  
强邻况復起相攻飞扬明治維新后断送昭和黷武中

太息雄风竟安在降幡远出海天东

答王季思余绮楼祝捷见酬之作

三岛投降后万方庆祝时过江嗟我老把酒识君迟  
侃侃民语谆谆述学词永嘉有嗣響不独是能诗

即事

艰难血战八年过破碎神州可奈何今天诸军齐奏凯  
汉家收復旧山河

欧亚相望泛海遥通渠驥武逞天骄谁知次第降幡出  
淘尽雄心咽暮潮

何曾自力憑人力翻为入哀不自哀我愧洛溪元漫叟

未能勒石但銜杯

老来喜见九州同忍死須臾望不空笑比放翁我何幸

无煩泉祭告平戎

余七十述怀诗有放翁泉祭终  
虚事忍死須臾待凱歌之句

丙戌一九四六

題宗素蜀中流亡山水画頁

妙年投筆老投戈西上扁舟三峡过眼底新收子怪伟  
胸中时吐百嵯峨流离巴蜀嗟何众成就營邱幸独多  
天遣不为马一角

宋马远工山水值南渡  
当时人称为马一角

汉家已復旧

山河

高叟性樸九日招同梅冷生高薑斋孙愚谷倪悟

秋

真诸人集宴意因余以病未赴赋寄

清明九日綺筵开招我野堂共举杯幾輩文章能自定  
百年岁月苦相催胜谈遥想車公座多病愁登杜老台  
为问宛陵旧词客可曾携句渡江来

夜坐诸孙环集少者索果餅长者执书问字兜妇  
率女媳傍灯缝衽往往夜阑始息顧而欣然因占  
长句乞刘叔扬作图张壁

泚然笑语集宵中莫遣妍孙惱病翁让枣同淮知长幼  
执经求我喜童蒙目嗟衰鬢输兜绿争惜餘光課女红  
一幅草堂新画稿可能为我写冬烘

问

病中戏作

又報玉樓天上成賦才寥落帝无声鸾车欲下相征召  
凤诏旋停迹罢行总为朔饥未滿滴可容向病得更生  
告存莫学苍山叟喋喋诗篇惹笑评

岁暮感怀

蹉跎皓首百无成退卧沧江了此生已送残年归寂寞  
可容餘日度昇平老来避世畏闻政痛是逢人愁说兵  
岁暮胸中罗万感猛惊爆竹又声声

丁亥元日

惜春



二八	二二	一九	一一	九	三	一	頁數
一三	二	一五	八	一八	一三	一一	行數
六	六	五	一	五	一三	一	字數
偏	偏	堪	相	故國	戲	鄰	誤
痛	痛	戲	想	國故	戲	款	正

		五三	四八	四六	四一	二四	頁數
	一八	一二	二〇	一	一四	一九	行數
	一七	二	六	十四	一六	一	字數
	同	明	狼	婦	真	鄰	誤
	問	秋	浪	歸	直	款	正

早愁風雨捲春歸，獨憑韶華憶夢非。此日乾坤重入劫，  
 何方草木遊生機。哀哀杜宇空啼血，扰扰群鶯只亂飛。  
 坐着芳時逐流水，依然寂寞旧柴扉。  
 夜不成寐枕上默誦杜陵東坡詩各五十首藉以  
 待旦  
 老來夜苦不眠時，万縷愁腸繫似絲。枕上排除无別法，  
 夢回惟詠古人詩。  
 詩亦唯耽杜与苏，西家以外一篇无。吾生孤癖真堪笑，  
 不尔何名叟是迂。

溫州府 圖書館 藏